



## TATA IBADAH

### PARTONGGOAN RUMAH TANGGA GKPS PADANG BULAN

Live streaming: [www.gkpspadangbulan.com/tv](http://www.gkpspadangbulan.com/tv)

Tata Ibadah: <http://www.gkpspadangbulan.com/tatib>



#### Suhut : SEKTOR JERUSALEM

**Parambilan:** Sy.Untung Suseno; **Paragenda/Doding:** Sy.Rosma Silitonga; **Tonggo**

**Syafaat:** Sy.Binsaudin Saragih; **Singer:** Sy Paulina L,Sy Sriwahyuni, Sy.Tiona

Situmeang; **Pemusik:** Sy.Jhansaberlan Purba

**Panorang:** Jumat, 05 Februari 2021

#### 1. VOTUM-INTROITUS-TONGGO

P : Ibagas Goran ni Naibata Bapa, pakon Tuhan Jesus Kristus ampa Tonduy Na Pansing, sitompa langit pakon tanoh on. Amen. Dalan ni halak parpintor daoh do ai humbani hajahaton, anjaha na mangkargahon goluhni ijaga do langkah-langkahni.

#### Martonggo ma hita:

Ham Tuhan Jesus bona ni malas ni uhur, pasu-pasu ampa hagoluhan. Pujionnami do Ham bani panorang on, halani iojur janah ipargogohi Ham do hanami, gabe tarbahan hanami marhasadaon rap pakon Ham ampa hasomannami. Sai maidop ma uhur-Mu mangidah hanami, jalo Ham ma parsombahan ampa pamujionnami on. Amen

#### 2. MANDODING Hal. 403. Sai Puji ma Tuhanta (1-3)

1. Sai puji ma Tuhan tongon, na marmuduhon goluhta on.  
Dodingkon ma goran-Ni tongtong na manobus hita pardousa on.  
Amen, haleluya, sai puji Tuhan Naibatanta na sangap in.

2. Seng dong songon-Si i tanoh on, na mangurupi hita tongtong  
Ihopkop do ganup hita on, seng adong na tading humbanta on  
Amen, haleluya, sai puji Tuhan Naibatanta na sangap in.

3. Halani ai sai jalo ma in, panghopkop ni Tuhan Jesus in  
Ulang parsoya-soya be in, haluahan nabinoban-Ni in  
Amen, haleluya, sai puji Tuhan Naibatanta na sangap in

#### 3. MAMBASA PARMAHAN

#### 4. MANDODING Hal. 55. Hupuji Holong ni Atei-Mu (4+6)

4. Bamu sadokah ni dokahni, au on o Jesus Tuhankin,  
Ham ma lah haganup ompungni, gogohku pakon artangkin,  
Ai iberehon Ham darohMu, mangalar utang ni dousangku.

6. 0 Jesus, GoranMu uhirhon, bagas, torang bai uhurhon-,  
Ase tarsurat ilobeihu holongni ateiMu tongtong,  
Hatangku ampa parlahouhu, ningon ipuji do GoranMu.

#### 5. Tonggo Syafaat

#### 6. MANDODING Hal. 341. Ari Namadear Tumang (1+2)

1. Ari na madear tumang lao marayakkon Tuhan in  
Hubaritahon Ham Tuhan bujur au mandalankon in  
Tuahkin ari in sanggah isasap dousangkin  
Ai ipatalar dalankin, janah iungkap uhurhin  
Tuahkin ari in sanggah isasap dousangkin

2. Sai huondoskon ma nuan 'ge diringkon Bamu Tuhan  
PandiloMu hubangku on, sai hubalosi do tongtong  
Tuahkin ari in sanggah isasap dousangkin  
Ai ipatalar dalankin, janah iungkap uhurhin  
Tuahkin ari in sanggah isasap dousangkin

#### 7. Ambilan: 1 Korint 9:16-23

#### 8. MANDODING Hal. 299. Domma Ihopkop Tuhanku Tonduyhu (1-3) (Galangan)

1. Domma i hopkop Tuhanku tonduyhu ase maluah tonduyhu tongtong  
Domma isasap Tuhanku dousangku ase manggoluh tonduyhu tongtong  
Malas uhurhu megah uhurhu lao pasangapkon Tuhan bai goluhkon.  
Nai ma hapeni holongni ateini hita pe patut marholong tongtong

2. Domma ipilih Tuhanta ge hita, lao manaksihon holongni tongtong.  
Domma isuruh Tuhanta ge hita, lao mangkatahon Hata-Ni tongtong.  
Laho ma hita misir ma hita, mangambilankon Tuhan parholong in.  
Ase maluah homa hasomanta, gabe manggoluh bai Tuhanta in.

3. Jolom Hata-Ni, sai jalo Tonduy-Ni, ulang be ganggang humbai Tuhan in.  
Ulang be holang martonggo hu Bani! Ai do gogohta bai horja-Ni in.  
Ulang mabiar, ulang be gobir, lao mantaluhon gogoh ni setan in!  
Tenger uhurta hubani Tuhanta; ihasomani do hita tongtong

**Jalo hita ma pasu-pasu humbani Tuhan Naibatanta;**  
Idop ni uhur ni Tuhanta Jesus Kristus, pakon holong ni atei ni Naibata Bapa,  
ampa paraoran ni Tonduy Na Pansing ma mangkasomani hita haganup. Amen.

**Mandoding :** Diatei tupa ma, Bamu Ham Naibata  
Ham Bapa na i surga, diatei tupa ma. Amen.

## 9. TONGGO GALANGAN – PANUTUP – PASU PASU

**Parambilan:** Ondoskon hita ma galanganta hubani Naibata, martonggo ma hita; Ham Tuhan Naibata, parholong atei anjaha paridop ni uhur banggal. Puji-pujian ampa tarima kasih ma sombahkonon nami hu Bamu, halani domma ondos hata-Mu bannami. Sai pargogohi Ham ma hanami mandalankon in bani goluhnami si ganup ari. Sai pasu-pasu Ham ma haganup juak-juak–Mu, na gabe parhitean–Mu padaskon hata-Mu hubani haganup jolma. Jalo anjaha pasu-pasu Ham ma galangan na sinombahkonnam i laho manupaki horja i kuria–Mu ase lambin rarat hata-Mu in. Paingat Ham ma homa hanami pasal tanggung-jawab nami i tongah-tongah ni kuria–Mu sonai homa keluarga pakon masrakat pe. Ibagas goran ni Anak–Mu Jesus Kristus Tuhannami, jalo Ham ma galangan pakon tonggo nami on. Amen.

### Riap ma hita martonggo; songon na i ajarhon Tuhan Jesus

Ham Bapa nami na i nagori atas. Sai napapansing ma goran–Mu. Sai roh ma harajon–Mu. Sai saud ma harosuh ni uhur–Mu i nagori tongah on songon na i nagori atas. Bere Ham ma bannami sadari on hagoluhan ari-ari. Sasap Ham dousanami songon panasapnami bani dousa ni hasoman na mardousa dompak hanami. Ulang hanami bobai Ham hu parlajouan, paluah Ham ma hanami humbani pangagou. Ai Ham do simada harajaon pakon hagogohon ampa hasangapon sadokah ni dokahni. Amen.